

C A P U T VII.

Jurisdictionem Abbatis in Monachos non esse Benedictionis effectum.



Um primi Monachi perfectionis studio solitariæ vitæ se mancipabant, ii hoc facto Episcopis neque minus neque magis obnoxii reddebantur. Cum certioris disciplinæ causa in cœtum coibant, unum e suis eligebant, qui arreptum vitæ institutum cum potestate moderaretur; quæ huic inde accedebat jurisdictionis ab eo, confirmationis ab Episcopo Abbati danda origo. rum electione & a sua acceptantis voluntate proficiscebatur. Erat tamen ita hæc jurisdictionis temperata, ut Parochi aut Episcopi jurisdictioni nihil detraheret. Quam enim eligentes non habebant, eam electo dare non poterant. Vixum est subinde Episcopis suæ Parochialisque jurisdictionis partem aliquam, per Abbatem exercendam, in Monasticas societas transferre. Quod, ut par erat, hac lege factum: si Electus aut Nominatus illi exercendæ par & idoneus inveniretur. Inde *jus cognoscendi* de Electi aut Nominati moribus, ingenio, doctrina. Si dignus censeretur, quia hoc pacto posita explebatur conditionis, sequebatur Episcopi approbatio aut confirmatio. Ab hac, ut patet, quæ jurisdictionis sunt, exercere Abbati integrum erat. Approbationis vel Confirmationis dandæ non una eademve est ratio. Nostra ætate fere datur scripto; superioribus temporibus, quod ex Magistri 93 & S. Benedicti 65. capp. atque aliunde discimus, electionibus fere intererant Episcopi, cum ut attenderent, ut electio rite perageretur, tum ut de electi idoneitate cognoscerent. Hæc duo si recte habere deprehenderentur, procedebatur ad ceremoniam aliquam Ecclesiasticam, qua electo & approbato Episcopus gratiam divinam deprecabatur. Ea, et si aliis in locis alia, Benedictionis nomine nunc venit. Benedictio jam ab aliquot seculis istud tribuit Ecclesia, ut qui Abbas eam percepserit, is Vasa sacra & Paramenta benedicere & minores Ordines conferre possit. Quare in eo consentiunt omnes, uti hanc Ordinum minorum conferendorum facultatem, tanquam effectum aliquem Benedictio considerent. Neque repugnat Martenus. Uno etiam ore statuunt, jurisdictionem in Monachos non proficisci a Benedictione, &c., quod inde consequitur, Abbatem electum & confirmatum, ante perceptam Benedictioem, quæ jurisdictionis sunt obire posse. Hic vero manibus pedibusque repugnat Martenus. Non illum *jus Canonicum*, quod laudavi; non Commentatores, quos appellavi & appellare potuisse; non usus ipse, qui ubique in Ecclesia obtinet, ne mihi repugnet prohibere possunt. *Audacie, cæcitatis, pertinacia ab eo modestissimo supercilium arguor.* Usus vero, qui mihi omnium consensu faverit, non tam usus, si illi fidem habemus, quam abusus dicendus est. Ita dum istud laborat, ut me ubique carpat semperque mihi repugnet, in hodiernam totius Ecclesiæ disciplinam insurgere non dubitat modestissimus Vindex. Totius, inquam, Ecclesiæ: nam ne unum quidem locum ostendere potuit, ubi aliter obtineat. Est vero id eo minus in illo ferendum, quod quæ adversus me adfert, ea sententiam meam confirmant.

Scripseram: *Priores Conventuales, qui Abbatem non habent, eandem jurisdictionem in monachos exercent atque Abbates; neque tamen benedicuntur.* Hujus argumenti ut vim clidat, videamus, Bene, inquit; sed jurisdictionem hanc, non bates non

Benedicti
ipso faten-
te Marte-
no juris-
dictione
pollet.

vi electionis suæ, habent; sed acceptam ab Episcopo aut ejus Vicario, qui eorum con-
firmat electionem; sicut nec parochus virtute nominationis a patrōno in ejus favorem
factæ ullam in Parochia sua functionem exercere potest. Quæ paulo ante leguntur
pari successu a metaciunt; Regis, inquit, nominatio, quæ præc. electioni respon-
det, non sufficit, ut aliquis sit Abbas & ea, quæ jurisdictionis sunt, exerceat, nisi
accedat summi Pontificis bulla, quæ & ipsa, ni canonice promulgetur, quod in Ab-
batis benedictione fieri solet, nullam habet virtutem. Recte! optime! Piores
Conventuales jurisdictionem non accipiunt ab electione; Abbates Galliarum
non accipiunt eam a nominatione regia: utrumque ipse astro & propugno.
Piores accipiunt ab Episcopo, Abbates a summo Pontifice per confirmationem
rite promulgatam. Ita quoque sentio; ita sentiunt omnes, hac una differen-
tia, quod aliquibus confirmatio sit causa efficiens, aliis conditio sine qua non.
Quæ tamen questio est fere de nomine. Ceterum est ex his Marteni verbis,
quibus nemo repugnat, consequens, jurisdictionem non esse Benedictionis
effectum aliquem. Sed tamen, inquit, bulla summi Pontificis in Abbatis bene-
dictione promulgari solet. Amabo! in Abbatis benedictione solent accendi can-
delæ, ergo Abbatis benedictio tenebras loco expellit, ubi celebratur. Tædet
hercule Martenianas has paleas excutere. Ecce tamen alios Viri conatus: *Cum*
non benedictus Abbas non valeat Monachos benedicere & eis tonsuram & minores
Ordines conferre, quæ pars sunt hand maximæ jurisdictionis spiritualis, NON VIDEO,
inquit, *cur reliquias jurisdictionis partes exercere valeat.* Vir ceteroqui ocul-
tissimus non videt: collyria adhibeamus. Sed non est istud ab oculorum vitio,
est a defectu memorie. Revocemus quæ supra scripsit, reviviscet oculorum
acies. *Inter se longe discrepant Episcoporum in Monachos (Abbatum in suos)*
jurisdiction, & munia Episcopalia. Ad jurisdictionem spectant instructio morum,
correctio, in delinquentes animadversio. Munia episcopalia quedam sunt functio-
nes ceteroqui Episcoporum, nunc autem ex privilegio etiam Abbatum.... Ut
sunt consecratio & benedictio vasorum, vestium sacrarum, Monachorum, colla-
tio ordinum minorum, cetera. Hæc Martenus ipse Vind. pag. 8. caue ex
mente omnium Doctorum. Itaque nunc videbit & intelliget, cur aliquas ju-
risdictionis partes exercere valeat Abbas non benedictus, scilicet quia omnes exerce-
re potest. Nam benedictio Monachorum & rerum sacrarum, quam, nisi ipse
benedictus sit, obire non potest, nullam jurisdictionis abbatialis partem consti-
tuunt, sed ad munia Episcopo-Abbatialia pertinent: corum autem exercendo-
rum uti Episcopi potestatem consecratione, ita abbates benedictione, quæ eti-
am aliquando Consecratio audit, consequuntur.

Neque an-
tiqui aut
recentio-
res Ponti-
ficales
libri ad-
versantur.

Quando istud tædii devorandum fuit, ut leviores Adversarii machinas dissi-
paremus, nefas esset, eam, in qua spes suas omnes collocat, non conterere
penitus. In libro Sacramentorum S. Gregorii Papæ extat Oratio AD FACIENDUM AB-
BATEM: ergo; nam, inquit, *Abbatem facere est spiritualem in suos jurisdictionem*
ei tribuere. Ipsa oratio ita habet: *Quæsumus omnipotens Deus, famulum tuum*
(ille) quem AD REGIMENTUM ANIMARUM ELIGIMUS sive benedicimus, gratia tuae do-
no prosequere. Hac formula non contentus Martenus, similes liberali manu sub-
dit ex per vetusto codice Casinensi, ex antiquo Pontificali Ecclesiæ Bisontinae, ex ve-
teri Pontificali Conchensi, ex veteri Remensi S. Remigii, ex Pontificali Ecclesiæ
Appamensis in Syria, ex antiquo Arelatensi, ex Moguntinensi. Scilicet ex his
venerandæ antiquitatis laciniis succum & nervos suæ sententiae suffici arbitra-
tur. Verum si hæ formulæ, orationes, ceremoniæ illi favent, non
erat necesse omnes antiquitatis forulos excutere tantosque eruditioñis sumptus
facere. Similes suppeditat Pontificale Romanum, Clementis VIII. primum dein

Urbani VIII. auctoritate recognitum, & non uno loco editum. Concede, quæsumus, omnipotens Deus, affectui nostro tuae miserationis effectum & hunc famulum tuum, quem ad regimen animarum eligimus, gratiae tuae dono prosequere. Plures hujus coloris orationes & formulas laudatum Pontificale Romanum continet. Sunt ex, ut ovum ovo, iis, quas affert Martenus, similes, sunt eruditis, sunt juris Canonici consultis notissimæ. Frustra igitur sperat Martenus, eos sententiam suam antiquarum gratia abjecturos, cum recentiores, antiquis per omnia similes, id non efficiant. Et vero apud eos, qui latine intelligunt & ceremoniarum stylum perspectum habent, efficere non possunt. Imperatores, Reges in Reges, in Imperatores unguntur, coronantur. An igitur est hæc unctionis, coronationis virtus efficax, ut imperatoriam, regiam, supremam jurisdictionem conferat? An Regi Galliarum ante unctionem, ante coronationem nulla in Martenum & Durandum, in S. Germani cœnobitas, in Gallias jurisdictione? An ante Pippinum nulli in Galliis Reges suprema cum potestate? nam ante Pippinum nemo Regum in Regem unctionis. Scilicet ad Adversarium confutandum inutile esset aliis armis pugnare. Nemo est tam hebeti ingenio, qui non intelligat videatque, has similesque formulas ideo inventas, cum ut illi, qui jam pridem Rex aut Abbas est, cœlestis aliqua gratia ad bene regendum impetraretur, tum ut vulgo erga eos, qui electione, confirmatione aut natalibus supremam sunt assecuti potestatem, major reverentia inculcetur.

Hæc cum tam clara & manifesta sint, ut pluribus evolvere nefas sit, quæret forte quis, quare ipse in superioribus semel atque iterato scripsiterim contenderimque, Episcopos in eos Abbatibus, quos jure suo benedicunt, jurisdictionem exercere? Quare a jure aut onere, hæc enim, ut supra ostendi, in idem recidunt, Abbatem benedicendi, jurisdictionem in Abbatem & monasterium repetierim? cui quæstionis ut responderem, ultimum hoc caput fere adornavi. Erit autem responsio facilis. Scilicet, constitutio, ordinatio Abbatis & quæ his synonyma sunt, apud antiquos ea fere omnia indicant, quæ ad Abbatem faciendum confert Episcopus: Cognitionem de Electionis forma & norma, de Electi vita; Approbationem, Confirmationem. Singula hæc, apud eosdem antiquos, Benedictionem fere comitabantur. Quia autem approbatio aut confirmatio, ut supra ostendi, Abbatii aut jurisdictionem tribuit, aut, tributam per electionem, confirmat, hac ego causa veteri verbo usus Ordinationi aut Benedictioni hoc tribui, ut Jurisdictionem Abbatii benedicto concederent. Quod si vero Benedictionis aut Ordinationis vocibus solummodo subjicissem ceremoniam illam deprecatoriæ, cui istud hodie tributum est, ut cui impertita fuerit, is minores Ordines possit conferre; tum vero jure argueret; eundem enim errarem errorem, quem erravit Martenus.

F I N I S

DISCEPTATIONIS III.

INDEX